

Канон Богородицы на 12: ирмос по дважды, глас 4.

Песнь 1.

Ирмос: Отвѣрзу уста моя, / и наполнятся Духа, / и слово отрыгну Царице Матери, / и явлюся светло торжествую, // и воспою радуясь Тоя чудеса.

Катавасиа, ирмос тойже.

Песнь 3.

Ирмос: Твоя песнословцы, Богородице, / живой и независтный источник, / лик себе совокупльшия духовно утверди, / в Божественней Твоей славе // венцев славы сподоби.

Песнь 4.

Ирмос: Седяй в славе / на престоле Божества, / во облаце легце / прииде Иисус Пребожественный, / нетленною дланию, / и спасе зовущия: // слава, Христѣ, силе Твоей.

Песнь 5.

Ирмос: Ужасошася всяческая / о Божественней славе Твоей: / Ты бо неискусобрачная Дѣво, / имела еси во утробе над всеми Бѣга, / и родила еси безлетнаго Сына, / всем воспевающим Тя / мир подавающая.

Песнь 6.

Ирмос: Божественное сие и всечестное / совершающе празднество, / богомудрии Богоматере, / приидите руками восплещим // от Нея рождшагося Бѣга славим.

Кондак, глас 3. Подобен: Дева днесь:

Дева днесь предстоит в Цѣркви, / и с лики святых невидимо за ны молится Бѣгу: / ангели со архиереи покланяются, / апостоли же со пророки ликовствуют: / нас бо ради молит Богородица // Превѣчнаго Бѣга.

Песнь 7.

Ирмос: Не послужиша твари богомудрии / паче Создавшаго, / но огненное прещение мужески поправше, / радовахуся поюще: // препетый отцев Господь и Бѣг благословен еси.

Песнь 8.

Ирмос: Отроки благочестивыя в пещи, / Рождество Богородичо спасло есть: / тогда убо образуемое, / ныне же действующее, / вселенную всю воздвизает пети Тебе: Господа пойте дела, и превозносите Его во вся веки.

Песнь 9.

Ирмос: Всяк земнорóдный/ да възграется Духом просвещаемь,/ да торжествует же безплóтных умóв естество́,/ почитающее священное торжество́ Богомáтере,/ и да вопиёт:/ радуйся всеблаженна// Богородице, Чистая Приснодéво.

Припевы на 9 песни:

1. Ангели Покрóв Пречистыя зряще, удивишася,/ како покрý в церкви молящияся лю́ди.
2. Ангели, окружающее Деву, удивишася,/ како омофором во Влахёрне покры благоверныя лю́ди.
3. Ангели, с лики святых предстоящее Деве, удивишася,/ како моляшеся с ними прилежно о мýре.
4. Ангели Богорóдицу песньми велича́ют,/ како присно покрывает с верою к Ней прибега́ющих.
5. Ангели и вси святии Тя, Богомати, славослóвят,/ како покрываеши от зол и́мя Твое призыва́ющих.
6. Ангели и человецы Покров чтут Влады́чицы,/ заступает бо всегда требующих Ея пóмощи.
7. С Небесными земнии Тя, Госпоже, воспева́ем,/ покрываеши бо от бед на Тя упова́ющих.
8. Величай, душе́ моя́,/ пречестный Покров Божия Мáтере.
9. Величай, душе́ моя́,/ Божественный Покров Богоблагодатныя Приснодéвы.
10. Величай, душе́ моя́,/ державный Покров Преславныя Влады́чицы.
11. Величай, душе́ моя́,/ неборимый Покров Небесе и земли Цари́цы.
12. Величай, душе́ моя́,/ Покров святы́й Присноблаженныя Богоневéсты.
13. Величай, душе́ моя́,/ Благословенную в женах, Пресвятая Троицы светоносное селéние.
14. Величай, душе́ моя́,/ Честнейшую горних воинств Деву Пречистую Богорóдицу.

Ины:

15. Величай, душе́ моя́,/ честный Покров Девы Богорóдицы.
16. Величай, душе́ моя́,/ ко Христу Молебницу за мир, Богородицу Деву Мари́ю.

Светилен: Подобен: Жены услышите:

О Пресвятая Госпоже Дево Богородице, покрый нас чудесным Твоим омофором, сохраняя императора и люди от всякаго зла, якоже Тя пречудный Андрей виде во Влахернстей церкви молящуюся: и ныне нам, Госпоже, послѣ великую Твою милость. **[Трижды.]**

На хвалитех

стихиры на 4, глас 8: Подобен: «О преславнаго чудесе!»

1. Стих: Хвалите Его на силах Его,/ хвалите Его по множеству величества Его.

2. Стих: Хвалите Его во гласе трубнем,/ хвалите Его во псалтири и гуслех.

Тебе припадаем Госпоже, умильно кланяющесе мóлим Тя:/ радуйся Богоблаженная Владычице многоименитая Дéво,/ пророки проображéнная чéстно:/ в Тя бо яко роса Христос Бог снiде,/ и родила еси браконейску́сная Чiстая,/ и на руку́ носила еси всех Творца и Гóспода./ Емуже ныне о нас молися славящих вёрно// Твоего Покрова прáздник. **[Дважды.]**

3. Стих: Хвалите Его в тимпане и лице,/ хвалите Его во струнах и органе.

Поют Тя, Дево Богорóдице,/ ангельстии чини и славят патриарси со архиереи,/ и святiи апóстоли,/ я́ко Матери Божии чéстно слúжат Тебе,/ видяще Тя за мир молитву творя́щую,/ ко Спасу всех Христу́ Бóгу./ Ему́же помолися, избавити град и лю́ди,/ славящия Тя верно,// и Твоего Покрова прáздник чéствующия.

4. Стих: Хвалите Его в кимвалех доброгласных, хвалите Его в кимвалех восклицаня./ Всякое дыхание да хвалит Господа.

Паче Аароня кивóта,/ всю Тя Бóг освятiи,/ Духом Богорóдице Святým:/ и пáче солнечных луч Твоим светящимся омофóром/ освещаеши Церковь и лю́ди/ и тьму грехов нáших отгоняеши:/ избавляеши же от бед и скорбей верою чéствующия// Твоего чéстнаго Покрова прáздник.

Слава, и ныне, глас 6:

Яко виде Тя пречудный Андрей на воздúсе,/ со архангельским мнóжеством,/ со апостолы и пророки, и множеством мúчеников,/ Сыну Твоему и Богу нáшему/ о граде и людех молящуюся, Влады́чице,/ и честным Твоим покровом покрывáющую:/ не оскудей и ныне, Пречiстая,/ спасти изрядное достояние Твоего Сýна,// пречестный прáздник Твой прáзднующее, многопéтая.

Славословие великое. И отпуст.

На Литургии:

Блаженна от канона, песнь 3-я и 6-я:

По входе:

Тропарь, глас 4:

Днесь, благовернии людие, светло прázднуем,/ осеняеми Твоим, Богомати, пришéствием,/ и к Твоему взирающе пречистому образу, умильно глагóлем:/ **покрый нас честным Твоим Покрóвом,/ и избави нас от всякаго зла,/ молящи Сына Твоего Христа Бога нáшего// спасти души нáша.**

Слава и ныне: Кондак, глас 3. Подобен: Дева днесь:

Дева днесь предстоит в Цёркви,/ и с лики святых невидимо за ны молится Бóгу:/ **ánгели со архиереи покланяются,/ апостоли же со пророки ликовствують:/ нас бо ради молит Богорóдица// Превéчнаго Бóга.**

Прокимен, песнь Богородицы, глас 3: Величит душа Моя Господа и возрадовася дух Мой о бозе Спасе Моем.

Стих: Яко призре на смирение Рабы Своея:

Апостол ко Евреем, зачало 320. [Евр. 9, 1 – 7.]

Аллилуиа, глас 8: Слыши, Дщи, и виждь: Стих: Лицу Твоему помолятся:

Евангелие Луки, зачало 54. [.]

Причастен: Чашу спасения прииму, и имя Господне призову: